



სსიპ საქართველოს სოფლის მეურნეობის სამინისტროს ლაბორატორია  
ვენტილაციისა და კონდიციონერების სისტემების მონტაჟის სამუშაოების შესყიდვა  
გამარტივებული ელექტრონული ტენდერის საშუალებით  
( CPV 45300000, CPV45331200)

დაფინანსების წყარო : - სახელმწიფო ბიუჯეტი

წინამდებარე სატენდერო დოკუმენტაცია შედგენილია  
„სახელმწიფო შესყიდვების შესახებ“ საქართველოს კანონის 12<sup>1</sup> მუხლის,  
„გამარტივებული შესყიდვის, გამარტივებული ელექტრონული ტენდერისა და  
ელექტრონული ტენდერის ჩატარების წესის დამტკიცების შესახებ“ სახელმწიფო  
შესყიდვების სააგენტოს თავმჯდომარის 2011 წლის 7 აპრილის #9 ბრძანების  
საფუძველზე

თბილისი

2015

## სარჩევი

1. ინსტრუქცია ელექტრონულ ტენდერში მონაწილეთათვის;
2. ტექნიკური დოკუმენტაცია ;
3. სახელმწიფო შესყიდვების შესახებ ხელშეკრულების პროექტი;
4. დამატებითი ინფორმაცია;
5. ხარჯთაღრიცხვა დანართი #1; (ექსელის ფაილი)
6. რეკვიზიტები დანართი #2;

## 1. ინსტრუქცია გამარტივებულ ელექტრონულ ტენდერში მონაწილეთათვის

1.1. გამარტივებული ელექტრონული შესყიდვა ტარდება სახელმწიფო შესყიდვების ერთიანი ელექტრონული სისტემის მეშვეობით.

1.2. სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანების შესაბამისად.

1.3 1.2 პუნქტში აღნიშნული წესის მე-11 მუხლის მე-5 პუნქტის საფუძველზე გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარმოდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სატენდერო დოკუმენტაციასთან დაკავშირებული დამატებითი ინფორმაციის, განმარტებებისა და ტექნიკური საკითხების დაზუსტების მოთხოვნა შესაძლებელია სისტემის საშუალებით. ტენდერისთვის ამ წესის მე-2 მუხლის პირველი პუნქტის „კ“ ქვეპუნქტით გათვალისწინებული სტატუსის მინიჭებიდან ამავე პუნქტის „მ“ ქვეპუნქტით გათვალისწინებული სტატუსის მინიჭებამდე არაუგვიანეს 24 საათისა, ნებისმიერ მიმწოდებელს უფლება აქვს სისტემის მოდულის – „კითხვა/პასუხის“ მეშვეობით მოსთხოვოს შემსყიდველ ორგანიზაციას სატენდერო განცხადებისა და სატენდერო დოკუმენტაციის დაზუსტება. შემსყიდველი ორგანიზაცია ვალდებულია ტენდერისათვის ამ წესის მე-2 მუხლის პირველი პუნქტის „მ“ ქვეპუნქტით გათვალისწინებული სტატუსის მინიჭებამდე გონივრულ ვადაში, მაგრამ არაუგვიანეს 2 საათისა შესაბამის ტენდერში წინადადებების მიღების დასრულებამდე, სისტემის მოდულის – „კითხვა/პასუხის“ მეშვეობით გააკეთოს შესაბამისი დაზუსტება/განმარტება, რითაც შესაძლებელია იხელმძღვანელოს ნებისმიერმა დაინტერესებულმა პირმა

1.5 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისთვის დაზუსტდება სატენდერო წინადადების შესაბამისად.

1.6 პრეტენდენტს არ აქვს უფლება, წარმოადგინოს ალტერნატიული სატენდერო წინადადება.

## **2. ტექნიკური დოკუმენტაცია**

2.1 შესყიდვის ობიექტს წარმოადგენს ვენტილაცია - კონდიციონერების სისტემების სამონტაჟო სამუშაოები (CPV 45300000, CPV45331200).

2.2 შესასრულებელი სამუშაოების აღწერილობა მოცემულია ტექნიკურ დავალებაში (იხ. დანართი).

## **3. საქონლის ხარისხი და ვარგისიანობის ვადები**

3.1 მიმწოდებელმა უნდა უზრუნველყოს:

ა) ვენტილაცია - კონდიციონერების სისტემების ცალკეული კომპონენტების შერჩევა ტექნიკურ დავალებაში მითითებული პარამეტრების შესაბამისად.

ბ) სამუშაოების ხარისხიანად შესრულება. შესყიდვის ობიექტის ყველა კომპონენტი უნდა იყოს ახალი, ექსპლუატაციაში არნამყოფი, ხოლო ელექტროდანადგარები - ახალი, ქარხნულად შეფუთული;

3.2 შესყიდვის ობიექტის გამართულ მუშაობაზე მიმწოდებლის მხრიდან უნდა გავრცელდეს გარანტია სამუშაოების მიღებიდან არანაკლებ ერთი წლის განმავლობაში.

## **4. მომსახურების მიწოდების პირობები, ადგილი და ვადა:**

4.1 მომსახურების მიწოდება უნდა განხორციელდეს ხელშეკრულების გაფორმებიდან არაუგვიანეს 20 კალენდარული დღის ვადაში შემდეგ მისამართზე: ქ. თბილისი, გომიშვილის ქუჩა #65, სსიპ საქართველოს სოფლის მეურნეობის სამინისტროს ლაბორატორია;

4.2 მიმწოდებელმა სამონტაჟო სამუშაოებისთვის გამოსაყენებელი მასალები და მოწყობილობები უნდა შეათანხმოს შემსყიდველთან.

## **5. მიღება-ჩაბარების წესი:**

5.1 სამუშაოების დასრულებისთანავე ორივე მხარის უფლებამოსილი წარმომადგენლების მიერ დგება მიღება-ჩაბარების აქტი, რომელიც ადასტურებს მიმწოდებლის მიერ ნაკისრი ვალდებულებების სრულად შესრულებას;

## **6. სატენდერო წინადადების ფასი და ანგარიშსწორების პირობები:**

6.1 სატენდერო წინადადებაში საერთო ფასი წარმოდგენილი უნდა იყოს საქართველოს კანონმდებლობით გათვალისწინებული ყველა გადასახადისა (მათ შორის დღგ-ს) ჩათვლით და მიწოდებასთან დაკავშირებული ხარჯების ჩათვლით.

6.2 თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, მაშინ პრეტენდენტმა შემსყიდველის მოთხოვნიდან 10(ათი) სამუშაო დღის ვადაში უნდა დაასაბუთოს ფასწარმოქმნის ადეკვატურობა სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“, ან სხვა აკრედიტებული პირის მიერ გაცემული დასკვნით, რითაც დადასტურდება მის მიერ ხელშეკრულებით ნაკისრი ვალდებულებების შესრულების შესაძლებლობა.

ფასწარმოქმნის ადეკვატურობის დაუსაბუთებლობა, ექსპერტიზის დასკვნის წარმოუდგენლობა ან შეუსაბამობა სატენდერო განცხადებასთან, სატენდერო დოკუმენტაციასთან ან/და სისტემის მეშვეობით პრეტენდენტის მიერ წარმოდგენილ ტექნიკურ დოკუმენტაციასთან, გამოიწვევს მის დისკვალიფიკაციას სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-13 მუხლის მე-2 პუნქტის „ა“ ქვეპუნქტის საფუძველზე.

6.3 ანგარიშსწორება განხორციელდება საქონლის მიწოდების დამადასტურებელი დოკუმენტის {(საბოლოო მიღება-ჩაბარების აქტის, სასაქონლო ზედნადებისა და საგადასახადო ანგარიშ-ფაქტურის (იმ შემთხვევაში თუ მიმწოდებელი დღგ-ს გადამხდელია, ხოლო თუ მიმწოდებელი არ არის დღგ-ს

გადამხდელი, მაშინ მიმწოდებელმა უნდა წარმოადგინოს შესაბამისი ცნობა სსიპ შემოსავლების სამსახურიდან)) წარმოდგენის თარიღიდან 10 საბანკო დღის განმავლობაში;

6.4 ანგარიშსწორება განხორციელდება ლარში უნაღდო ანგარიშსწორების ფორმით;

6.5 წინასწარი ანგარიშსწორება არ გამოიყენება;

**7. პრეტენდენტმა ელექტრონულ სისტემაში უნდა წარმოადგინოს შემდეგი დოკუმენტაცია:**

ა. ხარჯთაღრიცხვა დანართი #1-ის მიხედვით;

ბ. რეკვიზიტები და თანხმობა სატენდერო დოკუმენტაციის პირობებზე დანართი #2-ის მიხედვით;

გ. ინფორმაცია შემოთავაზებული ვენტილატორების წარმადობის თაობაზე;

ერთის მხრივ სსიპ საქართველოს სოფლის მეურნეობის სამინისტროს ლაბორატორია, მდებარე: ქ. თბილისი, გომიაშვილის ქუჩა #65 (შემდგომში „შემსყიდველი“) წარმოდგენილი დირექტორის ლალი მაძლარაშვილის სახით და მეორეს მხრივ \_\_\_\_\_ (შემდგომში „მიმწოდებელი“) წარმოდგენილი \_\_\_\_\_ სახით, ვხელმძღვანელობთ რა საქართველოს მოქმედი კანონმდებლობით, შემსყიდველის მიერ ჩატარებული გამარტივებული ელექტრონული ტენდერის (SPA \_\_\_\_\_) საფუძველზე ვდებთ წინამდებარე „სახელმწიფო შესყიდვის“ ხელშეკრულებას (შემდგომში ხელშეკრულება) შემდეგზე:

## 1. ხელშეკრულების საგანი

- 1.1. წინამდებარე ხელშეკრულების საფუძველზე „მიმწოდებელი“ კისრულობს ვალდებულებას, „შემსყიდველს“ მიაწოდოს \_\_\_\_\_ (სატ. განცხ. SPA \_\_\_\_; \_\_\_ 2015წ.) შემსყიდველის იურიდიულ მისამართზე დანართი #1 შესაბამისად წინამდებარე ხელშეკრულების პირობების განუხრელი დაცვით, ხოლო „შემსყიდველი“ კისრულობს ვალდებულებას, მიიღოს მიწოდებული მომსახურება და უზრუნველყოს ანგარიშსწორება წინამდებარე ხელშეკრულებით გათვალისწინებული პირობების შესაბამისად.
- 1.2. შესყიდვის დაფინანსების წყაროს წარმოადგენს სახელმწიფო ბიუჯეტი.

## 2. ხელშეკრულების ჯამური ღირებულება

- 2.1 ხელშეკრულების ჯამური ღირებულება შეადგენს \_\_\_\_ (\_\_\_\_\_) ლარს (შემდგომში ხელშეკრულების ღირებულება).
- 2.2 შესყიდვის ობიექტის დეტალური ხარჯთაღრიცხვა მოცემულია დანართში #1.
- 2.3 ხელშეკრულების ღირებულება მოიცავს „მიმწოდებლისთვის“ საქართველოს კანონმდებლობით განსაზღვრულ ყველა გადასახადს, მოსაკრებელსა და ხარჯს, დაკავშირებულს შესყიდვის ობიექტის მიწოდებასთან.

## 3. შესყიდვის ობიექტის მიწოდების ვადები, ადგილი და პირობები

- 3.1 შესყიდვის ობიექტის მიწოდება უნდა განხორციელდეს ხელშეკრულების გაფორმებიდან არაუგვიანეს 20 კალენდარული დღისა.
- 3.2 მიმწოდებელმა უნდა უზრუნველყოს:
  - ა) ვენტილაცია - კონდიციონერების სისტემების ცალკეული კომპონენტების შერჩევა ტექნიკურ დავალებაში მითითებული პარამეტრების შესაბამისად.
  - ბ) სამუშაოების ხარისხიანად შესრულება. შესყიდვის ობიექტის ყველა კომპონენტი უნდა იყოს ახალი, ექსპლუატაციაში არნამყოფი, ხოლო ელექტროდანადგარები - ახალი, ქარხნულად შეფუთული;
  - გ) სამონტაჟო სამუშაოებისთვის გამოსაყენებელი მასალების და მოწყობილობების შემსყიდველთან შეთანხმება.

## 4. ხელშეკრულების მოქმედების ვადა

- 4.1 წინამდებარე ხელშეკრულება ძალაში შედის მისი ხელმოწერის დღიდან და მოქმედებს 2015 წლის \_\_\_\_\_ მდე.

## 5. შესყიდვის ობიექტის მიღება-ჩაბარების წესი

- 5.1 შესყიდვის ობიექტის მიღება ფორმდება მიღება-ჩაბარების აქტით, რომელიც დადასტურდება „შემსყიდველისა“ და „მიმწოდებლის“ მიერ საამისოდ უფლებამოსილი წარმომადგენლების ხელმოწერებით.
- 5.2 მიღება-ჩაბარების აქტის გაფორმებასთან ერთად „შემსყიდველს“ წარედგინება ანგარიშსწორებისთვის საჭირო ყველა სხვა დოკუმენტი.
- 5.3 უხარისხო ან/და ხელშეკრულების პირობებთან შეუსაბამო მომსახურება არ იქნება მიღებული „მიმწოდებლის“ მიერ წუნდების მიზეზების სრულად აღმოფხვრამდე.

## 6. ხელშეკრულების ობიექტის ხარისხი და გარანტია

- 6.1 შესყიდვის ობიექტის ხარისხი უნდა შეესაბამებოდეს შემსყიდველის მოთხოვნებს. იმ შემთხვევაში, თუ აღმოჩნდება, რომ მიწოდებული სააქონელი არ აკმაყოფილებს ხელშეკრულებით გათვალისწინებულ პირობებს, „მიმწოდებელი“ ვალდებულია, „შემსყიდველის“ მიერ დადგენილ ვადაში უზრუნველყოს დაწუნებული

საქონლის, ან მისი ნაწილის ჩანაცვლება ახლით.

6.2 „მიმწოდებელი“ იღებს ვალდებულებას, რომ შესყიდვის ობიექტი იქნება შემსყიდველის მიერ მოთხოვნილი ხარისხის და პარამეტრების და მასზე გავრცელება „მიმწოდებლის“ გარანტია მიწოდების დღიდან **არანაკლებ ერთი წელი**, რაც გულისხმობს ამ ვადაში შესყიდვის ობიექტის გამართულ მუშაობას.

6.3 „შემსყიდველი“ ვალდებულია, წერილობითი ფორმით, დაუყოვნებლივ აცნობოს „მიმწოდებელს“ ნაკლის აღმოჩენის შესახებ.

6.4 გარანტიის მოქმედების პერიოდში შეტყობინების მიღების დღიდან „მიმწოდებელი“ ვალდებულია, „შემსყიდველის“ მიერ დაწესებულ გონივრულ ვადაში საკუთარი ხარჯით აღმოფხვრას ნაკლი, ან ჩანაცვლოს ახლით. „მიმწოდებელს“ დაეკისრება როგორც ხელშეკრულების ობიექტის დეფექტების აღმოფხვრა, ასევე აღნიშნული დეფექტების შედეგად შემსყიდველისა და მესამე პირებისთვის მიყენებული ზიანის ანაზღაურება.

6.5 თუ „მიმწოდებელი“, ნაკლის აღმოფხვრასთან დაკავშირებით მიღებული შეტყობინების შემდეგ, არ შეასრულებს თავის ვალდებულებებს, „შემსყიდველს“ უფლება აქვს, საკუთარი ხარჯით აღმოფხვრას დეფექტები და მოითხოვოს ხარჯების ანაზღაურება „მიმწოდებლისგან“.

## **7. ანგარიშსწორების ფორმა, გრაფიკი (ვადები)**

7.1 „მიმწოდებელთან“ ანგარიშსწორება განხორციელდება ლარში;

7.2 შესყიდვის ობიექტის ღირებულების ანაზღაურება მოხდება უნაღდო ანგარიშსწორებით;

7.3 წინასწარი ანგარიშსწორება გათვალისწინებული არ არის.

7.4 ანგარიშსწორება „შემსყიდველის“ მიერ მოხდება, შესყიდვის ობიექტის მიწოდების დამადასტურებელი დოკუმენტების - საბოლოო მიღება-ჩაბარების აქტის, სასაქონლო ზედნადებისა და საგადასახადო ანგარიშ-ფაქტურის (თუ მიმწოდებელი არ არის დღგ-ს გადამხდელი, მაშინ მან უნდა წარმოადგინოს შესაბამისი ცნობა სსიპ „შემოსავლების სამსახურიდან“), წარმოდგენიდან არაუგვიანეს **10(ათი) კალენდარული დღის** ვადაში.

7.5 იმ შემთხვევაში, თუ „მიმწოდებელი“ დაარღვევს ხელშეკრულებით განსაზღვრულ ვადებს, დაეკისრება პირგასამტეხლოს გადახდა.

## **8. მხარეთა უფლება-მოვალეობანი**

8.1 „შემსყიდველს“ უფლება აქვს:

ა) შეამოწმოს შესყიდვის ობიექტის შესაბამისობა ხელშეკრულებით გათვალისწინებულ პირობებთან. - განახორციელოს კონტროლი და ზედამხედველობა „მიმწოდებლის“ მიერ ხელშეკრულების პირობების დაცვაზე. უარი თქვას უხარისხო შესყიდვის ობიექტის მიღებაზე.

8.2 „შემსყიდველი“ ვალდებულია:

ა) წერილობით აცნობოს „მიმწოდებელს“ შესყიდვის ობიექტთან დაკავშირებული ყველა განსაკუთრებული გარემოების შესახებ.

ბ) მოახდინოს ანგარიშსწორება „მიმწოდებელთან“ ხელშეკრულებით გათვალისწინებული პირობების შესაბამისად;

გ) დაიცვას ხელშეკრულების სხვა პირობები.

8.3 „მიმწოდებელს“ უფლება აქვს, მოსთხოვოს „შემსყიდველს“ მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობებით.

8.4 „მიმწოდებელი“ ვალდებულია:

ა) გააფრთხილოს „შემსყიდველი“ შესყიდვის ობიექტის მიწოდების შეფერხების შესახებ.

ბ) დაიცვას ხელშეკრულებით გათვალისწინებული ყველა პირობა.

## **9. მხარეთა პასუხისმგებლობა ხელშეკრულების დარღვევისას**

9.1 მხარეების მიერ ხელშეკრულებით ნაკისრი ვალდებულებების შეუსრულებლობის, ან არაჯეროვნად შესრულების შემთხვევაში მხარეები პასუხს აგებენ საქართველოს მოქმედი კანონმდებლობის შესაბამისად.

9.2 ხელშეკრულებით გათვალისწინებული ვადების დარღვევის შემთხვევაში, მხარე გადაიხდის პირგასამტეხლოს, ყოველ ვადაგადაცილებულ დღეზე მისაწოდებელი საქონლის, ან გადასახდელი თანხის ღირებულების 0.1%-ის ოდენობით.

9.3 იმ შემთხვევაში, თუ საჯარიმო სანქციების ჯამური თანხა გადააჭარბებს ხელშეკრულების ჯამური ღირებულების 3%-ს, მხარეს უფლება აქვს, შეწყვიტოს ხელშეკრულება.

9.4 ხელშეკრულებით ნაკისრი ვალდებულებების შეუსრულებლობის, ან არაჯეროვნად შესრულების პირობებში მიმწოდებელს დაეკისრება პასუხისმგებლობა ხელშეკრულების ღირებულების 5%-ის ოდენობით.

9.5 ხელშეკრულების შეწყვეტა არ ათავისუფლებს მხარეებს ხელშეკრულების შეწყვეტამდე არსებული ვალდებულებების შესრულებისაგან.

## 10. ხელშეკრულებაში ცვლილებების შეტანა

10.1 არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორების გარეშე.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია, წერილობით შეატყობინოს მეორე მხარეს შესაბამისი ინფორმაცია.

10.3 წინამდებარე ხელშეკრულებით გათვალისწინებული პირობების შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.5 ხელშეკრულებაში პირობების ცვლილება ფორმდება დანართის სახით და წარმოადგენს ხელშეკრულების განუყოფელ ნაწილს.

## 11. ხელშეკრულების შეწყვეტა

11.1 ხელშეკრულება შეიძლება შეწყდეს ერთ-ერთი მხარის ინიციატივით მხარეთა ურთიერთშეთანხმების საფუძველზე.

11.2 ხელშეკრულების 11.1 პუნქტით გათვალისწინებულ შემთხვევაში მხარე ვალდებულია, მეორე მხარეს აღნიშნულის თაობაზე აცნობოს წერილობით, მინიმუმ 5 დღით ადრე.

11.3 წერილობითი შეტყობინება არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან ხელშეკრულების შეწყვეტამდე.

11.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარეს ასევე შეუძლია, მთლიანად, ან ნაწილობრივ შეწყვიტოს ხელშეკრულება.

11.5 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

11.6 „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) თუ „მიმწოდებლის“ მხრიდან ადგილი ექნება ხელშეკრულებით გათვალისწინებული პირობების შეუსრულებლობას, ან არაჯეროვან შესრულებას;

გ) საქართველოს კანონმდებლობით გათვალისწინებულ სხვა შემთხვევებში;

## 12. ფორს-მაჟორი

12.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.

12.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

12.3 მხარე, რომელსაც შეექმნა ფორს-მაჟორული გარემოება, დაუყოვნებლივ წერილობით აცნობებს ამის შესახებ მეორე მხარეს.

## 13. დავები და მათი გადაწყვეტის წესი

13.1 ხელშეკრულების შესრულებისას მხარეთა შორის წამოჭრილი დავები, ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

13.2 შეთანხმების მიუღწევლობის შემთხვევაში, მხარეები მიმართავენ სასამართლოს საქართველოს კანონმდებლობის შესაბამისად.

## 14. ხელშეკრულების ინსპექტირების პირობები

14.1 „შემსყიდველი“ უფლებამოსილია, შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

14.2 ხელშეკრულების კონტროლს „შემსყიდველის“ მხრიდან განახორციელებს ამ ხელშეკრულების 5.1 პუნქტში მითითებული პირი.

14.3 შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ წერილობით აცნობებს „მიმწოდებელს“ წუნდების მიზეზების მითითებით.

14.4 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

## 15. სხვა პირობები

15.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.2 მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.

15.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.4 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15.5 ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ ითვლება ხელშეკრულების განუყოფელ ნაწილად და სავალდებულოა შესასრულებლად.

15.6 მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე. რეკვიზიტების ცვლილების თაობაზე, მეორე მხარეს ეცნობება წერილობით.

15.7 ნებისმიერი ოფიციალური ურთიერთობა, ხელშეკრულების დამდებ მხარეებს შორის, უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია კომუნიკაციის თანამედროვე საშუალებების გამოყენება იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ, ან ხელშეკრულებაში მითითებულ მისამართზე, საფოსტო გზავნილის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე, იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

## 16. მხარეთა იურიდიული მისამართები და რეკვიზიტები

„შემსყიდველი“

სსიპ საქართველოს სოფლის მეურნეობის

სამინისტროს ლაბორატორია

ს/კ: 205162802

მის: ქ.თბილისი, გომიაშვილის ქუჩა #65

მიმღების ბანკი: სახელმწიფო ხაზინა;

მიმღების დასახელება: ხაზინის ერთიანი ანგარიში;

ბანკის კოდი: TRESGE22;

მიმღების ანგარიში/სახაზინო კოდი:

707527102

„მიმწოდებელი“

ს/კ: \_\_\_\_\_

მის: \_\_\_\_\_

მიმღ. ბანკი \_\_\_\_\_

ბანკის კოდი: \_\_\_\_\_

ა/ა: \_\_\_\_\_

#### 4. დამატებითი ინფორმაცია

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიაში მისამართზე: თბილისი, გომიაშვილის ქ. #65. საკონტაქტო პირები:  
ვახტანგ ტარიელაშვილი ტელ: 595053946; ასლან ცეცხლაძე ტელ: 599 559776

**1. რეკვიზიტები:**

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშის ნომერი:

2. მიმწოდებელი ეთანხმება სატენდერო დოკუმენტაციაში მოცემულ პირობებს (მათ შორის მოწოდებისა და ანგარიშსწორების პირობებს).

პრეტენდენტის ხელმოწერა და ბეჭედი \_\_\_\_\_

(არსებობის შემთხვევაში)



